

如是有若衆生思惟一乘海空智藏爲他演說忘於飲食我隨守護不捨本願惟喜无量亦如孝子不失父母亦復如是善男子若有衆心心懷陰柔身心忍辱口不爲惡六根清淨不與人天一切衆生以爲惡城集爲惡業譬如慈母長養八惠子抱不離膝常以守護不與他人共相鬪爭我今守護身心口意亦復如是善男子若有衆人發大布施居家財產園城妻子恩愛親族七寶名珍皆以施人散惠十方一切衆生若人非人譬如甘雨潤一切是諸草木无不蒙益我今慈施亦復如是

爾時妙思及諸四衆聞是語已得大法利便各精進俱起共行到天尊前一心作禮奉辭而退

太上一乘海空智藏經卷之九

見

捨受品

爾時天尊告善種王善男子大王長者汝捨智財從遠方來請我演說一乘海空智慧寶藏安住國土七寶城中真士之座善男子汝等大王得聞真士海空智藏問病云何於是善種大王長者聞大天尊說此語已從座而起頂禮尊足白天尊言彼方真士智慧甚深難爲酬對了達法相才辯无礙一切仙士悉解一乘海空智藏无不得入智慧之門又能降伏外道衆魔顯現神通其力方便皆已得度智慧難思奇特微妙希有希有大哀天尊爲衆生故教導真士住寶城中演說一乘海空智藏當爾之時諸弟子等天下人民大王長者俱發善心捨身智財屋宅僮僕悉皆施散今彼真士演說法時座中信士八千餘真士七百仙士三百大王億千人若男若女悉皆隨從聞聽一乘海空法要作大橋梁作法梯磴於時真士與諸弟子即以神力七寶城中左右宮殿悉皆空虛爾時真士

坐於空城除諸所有唯有寶牀以疾而息是諸弟子若人非人各共圍繞瞻仰涕泣雨淚百行同聲歎言大哀真士捨我等輩孤露莫止苦哉真士捨我等故託疾而息我今思惟大師疾者疾從何來可治療不若可醫治是我弟子寧捨身命療治大師令得爲我成就一乘海空智藏安慰我等住大寶城彼說我聽當爾之時海空智藏即唱說言今我疾者隨衆生故是不疾相而爲之疾是不見相而爲之見是不空相而爲之空是不說相而爲之說我等衆中心疑未了於是云何唯願大哀爲我等故分別說之爾時天尊以大慈心答善種王善男子大王長者如汝所說海空真士了此疾相更无法疾了此住相更无法住了此空相更无法空了此說相更无法說了此安相更无法安了此去相更无法去所以者何疾无所從住无所安空无有著若有法者視之不見若空法者隨之則有以是之故住者无所置去者无所至今所疾者更无可疾今所住者更无可住今

所空者更无可空今所置者更无可置汝等  
大王善心受持自當得解

於是眾中善種大王聞說是已心大歡喜頂  
禮尊足白天尊言如是說者今海空疾寧可  
醫治療之有損不增病不大哀天尊眾中无

量真仙童子地仙道士殷勤致問海空真士  
而今疾者何所因起云何當滅盡其疾因今  
眾歡喜同發善心好樂觀聽一乘海空智慧  
寶藏爾時

天尊答善種王善男子汝等問者言海空疾  
從何因起善男子海空疾者從眾緣起是故  
有病若諸眾生得不病者海空真士亦復不  
病何以故海空智藏為眾生故入生死身有  
生死身則有病因若諸眾生得離病者是則  
海空无復有病善男子譬如慈母唯有一子  
其子得病父母亦病其子病愈父母亦愈海  
空真士亦復如是今海空者於諸眾生愛之  
若子以是因緣眾生有病海空亦病善男子  
言海空病何所因起汝等大王我今思惟海  
空疾者從大慈起

於是眾中善種大王聞此語已白天尊言大  
哀天尊云何海空智藏真士住寶城中城空  
无有林座之坐我今思惟甚大惶怖於是  
天尊答善種王善哉善哉善男子言城空者  
三清玉京長樂國土亦復空虛善種大王又

復白言如是所說以何為空而云空虛  
天尊答言以空為空又復問言空何以空天  
尊答言空无分別何以故分別亦空故言空  
空善種又言空分別不

天尊答言分別亦空又問空无分別空於何  
法答言空於法相空於六塵六塵既空法相  
亦空善種又問法相云何答言即法相者即  
是解脫是解脫者即是法相以是之故法相  
既空解脫亦空又言云何解脫答言是煩惱  
者即是解脫是解脫者即是煩惱解脫既空  
煩惱亦空善種又言是煩惱者即是病者而  
非病耶若是病者病從何來為從身來為非  
身來若從身者身法既有煩惱云何而云為  
空  
天尊答言我說病者即是煩惱煩惱既空病

法亦空病法既空身法亦空何以故煩惱身  
者如幻如夢以是因緣以空為空善種又言  
地水火風四大之中何大是身答言煩惱身  
者非地大生不離地大水大亦復如是  
一切眾生煩惱身者從四大起以之為病是  
故真士隨之為病

於是善種得聞說已即起作禮讚歎一乘海  
空智藏是我大師為我輩說言有病諸行无  
常身法无我不說海空厭離於身說身有苦  
不說常樂玄都玉京教導三乘為諸眾生作  
大橋梁度生死海於空城中託身有疾哀彼  
眾生令識宿世億劫中苦當念饒益一切眾  
生脩弘福田念於眾生勿令憂惱勸助眾生  
勤行精進作大醫王療治眾生一切病根慰  
喻眾生以疾而卧

爾時海空智藏告善種王汝等勿疑我身疾  
者而言无疾今我疾者皆前世因妄想顛倒  
諸煩惱生无有實法惟之為疾所以者何四  
大合故假名為身四大无主身亦无著今我  
疾者皆由著身是故於身不應生著善種王

既知病本即除我想及煩惱想當滅法想汝等大王應作是念但以衆法合成此身我身之身起唯法起滅唯法滅此法身者各不相知起時不言我起汝滅滅時不言我滅汝起我念衆生亦復如是善種大王汝等當知應作是念此法身者亦是顛倒是我身者即是大患汝等應當厭離此身云何爲離我所離我所者即離二法離二法者不念內外諸法平等云何平等我常樂常樂清淨內外无我我亦清淨此二等者悉皆空空以何爲空但以名字名字故空如此二法无決定性得是平等无有餘病唯有空病空病亦空了空病故是我有疾今我病者无受而受說身无常法相不滅而取證信故設有身普念衆生發大慈心說一乘藏調伏我身亦當調伏一切衆生除種種病今我說病爲斷衆生攀緣病本斷病本故則无所得若无所得則斷攀緣諸根若盡是我无病善種大王得聞說已稽首作禮長跪讚言善哉善哉大哀真士爲斷我故作如是說調伏

我身亦當調伏一切衆生老病死若不如是我等衆生无患利煩惱所縛海空真士爲我說者譬如法勝乃可爲勇亦復能除老病死苦得住城中彼說我聽海空真士亦復如是爲我有疾而云有病我身病者非真非有海空智藏亦復如是非真非有若有人生觀此病者時不起愛見如是人者是海空藏久已離於生死病身何以故海空智藏久已斷除微塵煩惱而起大慈爲愛悲者則於生死者疲厭心託疾而卧若有衆生能厭離心隨有所愛如是之人在在所生不爲愛見之所覆也得了法相所生无繫復能智慧爲諸衆生說法解繫亦如海空所說一乘有繫皆解脫身有繫能解他繫自他之繫悉皆清淨若有衆生貪愛著善味是海空繫於繫中想煩惱无主身亦无我如是念者是方便生是海空解善種大王說是語已瞻仰尊顏作禮而退於是海空聞善種說心大歡喜善善種王善哉善哉善男子汝等上士是我真子智慧甚

深才辨无礙能了法相是我大師智慧難思過於我說我今思惟善種大王名不虚耶善能建立三界種留故名善種善男子汝當諦聽分別爲說善男子云何方便而爲繫者以著見心小乘小見裝褻三寶七寶宮殿成就其身而自調伏化諸衆生俱行有法於空无相作法中種種裝褻如是人者是方便繫云何而爲方便解者不以愛見而作愛身莊嚴微妙成就衆生俱了一乘海空智藏安住不動證空非空說有非有以方便力於空无相化作法中亦導衆生令其調伏厭離其身不受諸愛如是人者是方便解善種大王若有一人有疾而卧汝等應當作如是念諸法无我我身无常苦空非我雖身有疾在生死中化度一切而不厭倦是名方便汝等又復念於我身身不離病病不離身是病是身非新非故是惠方便設身有疾而寂寞故是智方便善種大王若有衆生有疾而卧而作是念不調伏心不厭離身而貪求愛如是人者是愚人法當知是人不能離生死地獄苦中若有

一人有疾而卧念想諸法苦空无我是我身  
疾在生死中而不生死无生死故生死无我  
我於生死亦无汗行住於常樂亦不常樂不  
寂靜故是海空行如是之人永離生死煩惱  
城中雖有我身不依身心雖在三界不懷法  
性雖行於空亦无空想

又告善種長者大王我身雖病為諸衆生有  
疾而卧雖行无相為彼衆生而度一切雖行  
无作為彼衆生而現受身雖行无動為彼衆  
生而作動相種種演說雖行一乘海空智藏  
為彼衆生而徧現身微塵之身雖行智慧轉  
大法輪為彼衆生无明闇室現大寶光照彼  
煩惱俱發善心行一乘行說是語已善種大  
王及諸羣臣八千餘人皆發善心歡喜作禮  
奉辭而退各還本位復聽決言

爾時衆中有一童子名曰妙思即從座起手  
執蓮花正對天尊安庠雅步前進作禮白天  
尊言大來天尊云何海空住於空城七寶林  
中以疾而卧如是城中悉空无有是我等輩  
及諸天王天下人民共來聞聽一乘海空祕

密寶藏如是人者常坐何座是時

天尊答妙思言善哉善哉善男子大德仁者  
於意云何而作是問汝等衆中為法而來為  
座而來善男子我於往昔大浮黎國坐寶珠  
中大如乘為諸衆生演說法要當爾之時

四衆同來若人非人俱入寶珠亦无執數寶  
中林座亦无逼窄汝今云何城空无座

爾時妙思聞是說已長跪答言大哀天尊我  
今來者聞此城中說一乘藏不謂海空以疾  
而卧城空无座於是

天尊答妙思言善男子夫為求法不惜身命  
不緣有想不見有相不有欲今汝師者无  
疾而卧无牀而坐非无而有城空无寶唯有  
海空不求而求心求法也不見身求不見色  
求不見說求不見有求不見无求不見有无  
求不見非有无求不見非非有无求不見非  
不有无求夫求法者无見苦求无見樂求无  
斷集求无修道求所以者何法无戲論言之  
為有以是之故大師求法隨種種求種種  
有若有人言海空真士因疾而卧如是人者

是名戲論非求法也妙思童子善男子汝等

當知法名海空海空非法若有衆生身行海  
空如是人者是求海空非法也善男子法  
名一乘一乘非法若有衆生身行一乘如是  
人者是求一乘非法也善男子法无處著

處著非法若有衆生身行處著如是人者是  
求處著非法也善男子法名无相无相非

法若有衆生隨相而識當知求相非法也  
善男子法无住可住非法若有衆生住於  
法中當知是人身行住法非法也是時四

衆聞是說已七十天王八千億衆若人非人  
得法利益於諸法中了了明淨苦空无我諸  
行无常生滅无我我於法中悉皆清淨

爾時海空聞如是說舉體而坐放微妙光一  
一毛髮各各放光種種希有上妙功德師子

寶座光照東方三十六國國中化作大王及  
長者子又照南方西方北方光所及處悉皆  
得見海空之身身長丈六坐師子座莊嚴第  
一微妙希有於諸國人昔所未見而今得見  
昔所未聞而今得聞昔所未了而今得了此

城寶林廣博包容三萬二千師子之座三十  
六國亦无妨礙於諸來眾亦无逼迮安徐而  
坐

妙思童子白天尊言云何城中莊飾希有是  
海空耶非海空耶城中諸物種種奇特師子

寶座亦无軟數大王小王悉皆端嚴同坐師  
子之座眾中疑惑未曾有也此城室中乃容

无量師子寶座亦无妨礙於意云何願為分  
別解說法言於是

天尊答妙思言善哉善哉善男子此城空者  
非无而有以是因緣有海空真士是名解脫

不可思議是諸王者大王小王亦是解脫不  
可思議善男子譬如天人入寶珠中无所增

減如是天民安常如故不覺不知已入所入  
唯應度者見之分明得見天人入寶珠中不

可思議師子寶座入海空城亦復如是善男  
子譬如海水入一微塵是海水中蛟龍魚鼈

安常如故亦无迫迮水性之屬亦如海水本  
相如故海空之身化作諸王大王小王亦復

如是

又告妙思一切眾生供養海空一乘藏者於  
一微塵皆令得見三世天尊又復於諸十方

國土所有日月星宿於一微妙普皆得見若  
有大風傷動草木一切摧折即念海空方便

之力吸著口中而身无損安穩如故若有猛  
火焚燒劫盡存念海空火內腹中安常如故

亦復不熱火常如故亦不為害  
又告妙思我住海空城中種種方便不可思

議或以神力現作海空微妙之身或作真身  
或作老容或作王身或作法王身或作貧病

身或作金身或作凡身或作獸身種種化身  
種種說法演說无常苦空无我一切眾生於

其說中普令得解俱發善心捨身智財求无  
上果或此骸骨而為灰塵於一塵中復作大

德見海空城中說法彼說我聽具足一乘甚  
深智慧思惟我身從何方來云何不絕生死

惡根得入玄門解脫之方不可思議或復有  
眾生聞我海空不可思議方便一乘法門皆

應號泣聲動十方无極世界一切國土大王  
小王臣民長者若男若女隨類而解俱發信

心受此大法日夜讀誦永无休息如是等人  
同得平等海空智門於是說時眾中无量有

一大王名曰方城即從座起舉拳號泣發心  
大願願捨我身施諸乞士隨意而取或取我

身手足頭目耳鼻髓腦血肉皮骨悉皆布施  
或施屋宅宮殿牀帳妻子奴婢象馬車乘金

銀瑠璃瓊瑯瑪瑙珊瑚琥珀真珠等寶衣服  
飲食亦悉施散願我身者捨身受身得住海

空智慧之門解脫法地同聽一乘微妙經典  
說此語已彼說我聽永无疲厭爾時

天尊得聞方城王說是語已心大歡喜告方  
城王善哉善哉善男子汝能慈故發大誓願

為說眾生作法橋梁作法梯磴方城大王今  
汝身者是海空船度諸眾生離煩惱城今汝

眼者是海空燈為諸眾生照煩惱方今汝手  
者是海空力為諸眾生斷煩惱城今汝足者

是海空車為諸眾生運度三界今汝意者是  
海空藏為諸眾生種種演說智藏經典今汝

耳者是海空音為諸眾生彼說我聽今汝鼻  
者是海空風為諸眾生扇動法教普令眾生

得了海空一乘法門於是

天尊又告方城大王長者汝今得入一乘法門不可思議地觀察衆生住煩惱城如電石光忽有忽无以是因緣汝能布施身手頭目象馬車乘金銀等寶悉皆施散難施能施難捨能捨汝能橋梁一切衆生離生死城汝之功德不可思議

又告方城大王長者善男子汝行慈悲爲衆生故汝行捨身无煩惱故汝行布施无貧窮故汝行清淨无貪瞋故汝行聽法无愚癡故汝捨王位无貴賤故汝捨妻子无親愛故汝行大慈願一乘故汝行精進度衆生故汝行智慧了衆生故汝行方便示現法故汝行功德拔衆生故汝行持戒滅三毒故汝行海空畏生死故汝行正念除惡因故汝行建造生福德故說是語已城中四座忽有諸天仙童玉女三十三人聞大哀天尊爲王說法即便現身從空中來手執蓮花以散座所紛紜雜沓如大雪雨滿於座所復有妙音香花筲坑塋後鏗鏘和雅隱隱軫軫徧於座所復有鳳

皇孔雀鸚鵡飛翔行列徧於座所

方城大王及諸羣臣心大惶怖白天尊言大哀天尊云何天人仙童玉女散此妙花如此花香爲從天來爲自然來爲樹而生爲空而有爾時

天尊聞是語已即便答言不也大王如此花者皆是清淨不可思議華所以者何言清淨者不內不外不從天生不自然生亦不樹生亦不空生亦不有生不空有生離空有故說此花生何以故一切說法皆是清淨是清淨者即是妙花以是因緣不從天生不自然生不空有生亦不樹生何以故若有生生則有證信有證信者則誹謗生知是說者毀滅一乘大慈經典

又告方城大王長者今此城中常有此花復有他方天人玉女來會不絕常有鳳凰孔雀鸚鵡筲坑塋後徧有之事汝等勿疑清淨之花不可思議華希有之花難思難說方城大王聞是說已心大歡喜即便問言云何哀尊說言天花即是清淨无煩惱生若如

是者一切衆生以此天花供養哀尊即得通達无煩惱生若得通達唯花而得云何說言脩行海空而得通達於是

天尊答大王曰善男子言通達者若有一人以此天花供養海空所以而言得通達者即是海空海空通達即是此花若有人行海空通達即无煩惱至於地獄亦无煩惱示行地獄亦无地獄无受罪身示行餓鬼亦无餓鬼无饑渴想具足功德无餓鬼身示行貪慾无貪慾想常住光明照煩惱身示行瞋恚无瞋恚想清淨思微无瞋恚本示行慳貪无慳貪想弘喜大慈捨身布施无慳貪想示行懈怠无懈怠想示入魔界而无魔想示行說法无說法想示住寶城无寶城想示身有疾而无疾想如是行者是海空達汝等應當供養此花即是供養一乘海空常樂之道示行方便入海空城安住不動說是語已

子宗親眷屬朋友知識弟兄姊妹悉誰是者  
奴婢僮僕象馬車乘城邑舍宅在何方所國  
主人氏后妃太子是誰為宗唯願哀尊為我  
等輩分別解說爾時

天尊聞是說已含笑隱几答大王曰善哉善  
哉善男子汝等大王善能問決海空身者我  
當為汝分別解說令眾得明海空經典於是  
天尊而偈答曰

汝等方城王 一心諦聽受 我當為汝故  
聞見直亦難 焉能證空城 智慧海空藏  
解脫以為母 善能說法相 皆是海空憐  
道德以為妻 慈悲為大女 弘孝慈慧男  
虛空城舍所 善信奴婢朋 修道知識友  
寂滅是宗親 通達善良疇 雲龍象馬馳  
星宿是僮僕 日月為車乘 六度為隣侶  
四等是子孫 歌詠為眷屬 長樂依方所  
七寶之園苑 玄都是山林 珊瑚微妙花  
方便之甘果 八鍊沐浴池 六通為大露  
一乘以為身 具足資容相 教授為大恩  
吞積為法食 咽液是法漿 懺悔以為服

滅度以喪主 天地棺柩根 寶臺塚墓所  
智慧日月明 露霞喪服與 金銀埽墜基  
慙愧慈悲孝 說法報恩許 松柏為大富  
黃精清寒渚 靜心林坐門 多聞慧根髓  
淨心是沐浴 思惟海空眠 持戒防慧人

无形宗君主 仙童國人民 聖真羣臣輩  
玉京金城所 汝等方城王 善心自能侶  
但滅煩惱賊 勇猛自知方 消除四種魔  
勝造萬道基 海空无起滅 示彼有生時  
普現諸國土 如日无所明 說法度十方

无量眾生脫 慈他及己身 无有分別想  
雖知長樂尊 國土眾生空 而常行清淨  
教化於羣生 以善方便力 隨意悉能成  
或示老病死 成就眾生身 了知法如幻  
天人仙玉女 侍從散香花 王子羣臣輩

見花並驚疑 安慰諸眾生 供養天花餌  
眾生有常想 了今无常時 一切眾生集  
俱入坐空城 圍繞海空牀 問疾哀悲泣  
慰喻眾生故 演說海空秩 經書及呪術  
利益於眾生 世間外道法 於時悉出家

因以解正慧 邪見並不奢 或作日月光  
遍照三界家 或以風水火 樹木枯不花  
世間有疾疫 現作良藥醫 有人能服者  
消病三毒除 眾生餓饑饉 現身作食飼  
枯骨更能生 復能濟渴時 大王人民羣

歡喜悉恭敬 安住海空城 聽法无定時  
爾時天尊說此偈已告方城王善男子汝等  
當知海空身者實不可說過去未來現在之  
身常住城中不傾不動不去不來不死不死  
為諸眾生演說寶藏種種教旨微妙經以安

常如故亦不覺知无去來想或作老相為諸  
眾生示法无常生老病死或作猿猴象馬之  
相或作真身七十二相八十一好形相奇特  
智慧无雙功德甚深善說法相為諸眾生種  
種方便化導三乘隨眾生故而作現身說一

乘藏普度眾生得離煩惱生死之身俱入海  
空智慧之門  
於是四眾聞是說已俱起作禮讚歎一乘海  
空真士為我等故分別說之我等眾中各自  
敬禮感受教旨傳化未聞普令通達无礙經

典深解玄義了真法地  
於是四衆聞大慈尊說經都畢瞻禮尊顏奉  
辭而退

太上一乘海空智藏經卷之九

十七

太上一乘海空智藏經卷之十

月十

普記品

爾時天尊於寶城中顯現神力化作玄臺微  
妙第一臺中爾時復有七寶莊飾殊特懸繪  
幢蓋周遍臺中爾時

天尊於其臺中發大光明遍照十方无極世  
界十方諸國悉皆朗然當爾之時諸天大聖  
飛天神王丹靈始老太上天君扶桑玉晨上  
皇帝君諸天真人左右二真人童子地仙  
道士三界魔王萬海龍王善男善女若人非  
人俱來座所聞大哀尊演說一乘海空智藏  
如我等輩心大歡喜各各齋持百和之香不  
焚自薰諸天妓樂同時俱作行道讚歎奉獻  
珍寶價直无量爾時  
天尊欲隱神光還於玉京長樂舍中不動之  
地告海空言若有疑者正欲及時可速問決  
无上法寶不久入定汝等衆中有疑請決勿  
懷憂悔爾時座中有一道士名曰寶光聞大  
哀尊說此語已悲泣流淚不能自止苦哉哀  
尊云何這還不動之地我等下仙孤露莫止

爾時衆中復有神觀不可思議上真童子從  
座而起稽首作禮長跪再拜白天尊言欲有  
所問將不及耶唯願哀尊不為罪咎於是  
天尊歎童子曰善哉童子汝之功德不可思  
議人神智源化導衆生悉為備矣

於是童子白大哀尊大慈天尊過去滅後一  
切衆生不復覩見哀尊色身亦不得聞海空  
真法何以故未來世中人民澆薄善法漸衰  
惡法熾盛當爾之時教諸衆生作福德果最  
為殊勝而得度脫煩惱城中唯願慈尊特垂  
憐愍用財甚多功果分少不及其一善男子  
若有衆生如是施養十方三界天尊并諸大  
聖三天真人地仙道士如是施者不如有人  
慈心一切布施畜生一口飲食令濟彼命全  
得安穩如是功德最勝彼福百千萬倍如是  
施心甚大功德无量无边善男子我於處處  
真法經典說布施者欲令新學地仙道士出  
家在家善男善女發海空心修慈悲行布施  
貧窮孤獨老病憂厄牢獄饑寒切肌窮餓之  
屬普令飽足如是施者是名橋梁濟度生死